

KIROLARABA FUNDAZIOA

Klubentzako laguntza deialdia, izandako kirol arrakastagatik.

Lehenengoa. - Xedea

Deialdi honen xedea da Kirolaraba Fundazioak laguntzak ematea goi mailako kategoria absolutu federatuan dauden kirolari edota taldeak dituzten kirol klub eta elkarteei, kirol arrakasta maila zehatz batzuetara iritsi badira. Talde horiek baldintza hauek beteta izan behar dituzte: Arabako lurralde historikoan egon, Eusko Jaurlaritzako Kirol Erakundearen Erregistroan izena emanda eta Arabako kirol federazioetara atxikita egon.

Aipatutako laguntzak eliteko edo goi mailako jardueretan parte hartzeak eragindako gastuak finantzatzea dute helburu, lortutako kirol arrakastaren kolaborazio gisa.

Diputatuen Kontseiluaren urriaren 6ko 55/2015 Foru Dekretuak (ALHAO, 123. zk., 2015eko urriaren 21ekoa) arautuko du deialdi hau. Foru dekretu horren bidez, Euskara, Kultura eta Kirol Sailaren eskumen esparruan, lehia bidez emango diren dirulaguntzei aplikatu dakizkiekeen oinarri-arau orokorrak eta oinarri bereziak onetsi ziren; deialdia hemen jasotako eduki eta prozedurara egokituko da.

Bigarrena. - Laguntzen zenbatekoa.

Dirulaguntzen kopuru osoak ezingo du gainditu horretara bideratutako zuzkidura, 90.000,00 eurokoa, Kirolaraba Fundazioaren 2019ko ekitaldiko aurrekontuari egotziko zaiona.

Kirolaraba fundazioak ez du zertan aurrekontu osoa agortu behar.

Eman beharreko dirulaguntzak kalkulatu ondoren gerakina egoten bada, patronatuari ebazpen proposamena aurkeztu behar dion kide anitzeko organoak proposatu ahal izango du gerakin hori beste laguntza lerro batera edo beste gastu batera bideratzea.

Hirugarrena. - Erakunde onuradunak eta baztertuak.

1. Arabako lurralde historikoan egon, Eusko Jaurlaritzako Kirol Erakundearen Erregistroan izena emanda eta Arabako kirol federazioaren batera atxikita dauden kirol klub eta/edo elkarteak izan daitezke mota honetako laguntzen onuradunak, baldin eta bertako kideak, nola bakarrik hala taldean, gutxienez iraupen laburreko kirol jardueretan lehiatu badira (kopak, txapelketak etab.), kasuan kasuko kirol modalitatean, eta, beti ere, kategoria absolutuan.

1.1 Salbuespen gisa, laguntza hau jaso dezaketen jardueren artean sartuko da xakean, eskubaloian, emakumezkoen txirrindularitzan, kirol egokituan, futboleant, herri kirolean, errugbian eta waterpoloan, autonomia erkidegoko lehiaketan parte hartzea.

1.2 Salbuespen gisa, laguntza hau jaso dezaketen jardueren artean sartuko da emakumezkoen txirrindularitzan eta kirol egokituan, kadete eta gazte kategorietako lehiaketan parte hartzea.

1.3 "Zazpi Herrialde" izeneko lehiaketan parte hartzea Espainiako txapelketan parte hartzearen parekoa izango da.

1.4 Aurkeztutako modalitateak eta/edo espezialitateak ez badaude sartuta ofizialki aitorturiko federazioetan, orduan fundazioaren patronatuari ebazpen proposamena aurkeztu behar dion kide anitzeko organoak dauden federazioen arteko baliokide bat hartu ahalko du erreferentzia gisa, egokitzat joz gero.

2. Horrelako kirol jardueratzat honako hauek hartuko dira: multzo bakar batean nahiz multzo bat baino gehiagotan, 7 lehiaketa egun baino gehiago irauten ez duten lehiaketa ofizialak, Espainiako, Europako eta/edo munduko txapelketetako kategoría absolutuetan, 2018ko irailaren 1etik 2019ko abuztuaren 31ra bitartean, dagokien federazioak antolatuak baldin badira.

Betiere, lehiaketa horiek lehiaketa mailarik gorenei dagozkiela ulertuko da eta, horren ondorioz, baztertuta egongo lirateke honelako lehiaketak: 2 mailako, 3 mailako edo B mailako txapelketak, oinarrizko mailako txapelketak, 2. mailako txapelketak, autonomia erkidegoetako selekzioak eta abar.

Kategoria absolutuko lehiaketetan parte hartzen duten taldeen gaineko eskaerak aurkez ditzakete erakunde onuradunek.

Ez dira aztertuko kasuan kasuko kirol proban gutxienez seigarren klausulan adierazitako posturen bat lortu izana justifikatzen ez duten eskaerak.

3. Ez da onartuko hauek egindako eskaerarik:

- Zerga betebeharrak eta Gizarte Segurantzarekikoak beterik ez dauzkaten kirol erakundeak.
- Dirulaguntzen azaroaren 17ko 38/2003 Lege Orokorrak IV. tituluan adierazitako arau-hausteengatik zehapena jaso duten kirol erakundeak, bai eta Emakumeen eta Gizonen Berdintasunerako Eusko Legebiltzarraren otsailaren 18ko 4/2005 Legeak jasotzen dituen kasuetan daudenak ere.
- "Kirol erakunde profesionalak; halakotzat jotzen dira indarreko araudian jasorikoak (LFP, ACB, etab.)"
- Arabako Foru Aldundiarekin babes kontratua daukaten maila goreneko kirol klub eta elkarteak.

4. Baldin eta kirol klub eta elkarteren baten eta erakunde horretako kideren baten eskaerarik jasotzen bada, eta bakoitzak dagokion deialdia kontuan hartuta egin badu eskaera, taldeak egindako eskaera lehenetsiko da banakakoaren aldean; hau da, klubaren eskaera hartuko da kontuan eta kirolariarena baztertu.

Laugarrena. - Eskaerak aurkeztea.

Erakunde bakoitzak eskaera bat baino ezin izango du aurkeztu, eta bertan adieraziko du taldeak edo, banaka lehiatuz gero, kirolariak lortutako arrakastarik handiena zein izan den.

Hainbat eskaera jaso edo, eskaera berean hainbat arrakasta aurkeztuz gero, lortu den posturik onena balioetsiko da; beraz, gainerako arrakastak ez dira kontuan hartuko.

1.- Kirolaraba Fundazioaren Patronatuari zuzendu beharko zaizkio eskaerak, I. Eranskin gisa atxiki den ereduari lotuta, eta Fundazioaren gizarte egoitzan aurkeztu (Probintzia plaza, 5, 3. PK: 01001 Gasteiz).

Eranskinak honakoak ditu:

1.1.- 1. orria: erakunde eskatzaileari buruzko datuak, posta bidez jakinarazpena egiteko helbidea, emandako datuak lantzeko baimena, aurkezten duen dokumentazioa adieraziz eta dokumentua sinatuz.

1.2.- 2. orria: Kirol arrakastari buruzko datuak eta Arabako kasuan kasuko federazioaren egiaztatzea.

1.3.-3. orria: adierazi behar da erakunde eskatzailea ez dagoela adierazitako egoeraren batean ere. Baita ere, banku kontuaren zenbakia aurkezten du, IBAN kodea adieraziz.

Agiri horrek banku erakundearen zigilua izan behar du, bankuko kontu zenbakia erakunde eskatzailearena dela egiaztatzeko.

Identifikazio fiskaleko txartelaren (IFZ) fotokopia entitate eskatzaileari alta eman behar izanez gero baino ez da aurkeztuko.

Adierazitako egoeretatik batean ere ez dagoela adierazten du.

Bere lan eta zerga egoerarekin lotutako datuak adierazten ditu, baita datuen babesari buruzkoak ere.

2.- Betiere, jakinarazpenetarako ematen den helbidea adierazi beharko da.

3.- Laguntza hauek eskuratzeko eskaerak aurkezteak oinarri hauetan ezarritakoa formalki eta berariaz onartzen dela esan nahi du.

4.- Eskatzaile bakoitzak eskaera bakar bat aurkeztu ahal izango du lortutako arrakastarik hoberenagatik, eta txapelketa berean hainbat arrakasta eskuratu baditu, horietatik hoberena jasoko da eskaeran.

5.- Erakunde eskatzaileak "Eliteko klubetarako laguntzak" dirulaguntza lerrotik laguntzaren bat jaso badu, aurkeztu beharreko dokumentazioan erakutsi behar du Kirolaraba Fundazioaren publizitatea egin duela ekipoaren joku ekipazio ofizialean, karteletan, web orrian (izanez gero) etab.

6.- 1.000,00 euroko kopurua gainditzen ez duten defizita (gastuak ken diru sarrerak) daukaten eskaerak ez dira onartuko.

7.- Ez da onartuko kasuan kasuko apartatuan zerrendatuta ageri diren datu eta agiri guzti-guztiak jasotzen ez dituen eskaerarik.

Hala ere, aurkeztutako datu edo dokumentazioaren bat osatugabe badago edo aski ez bada, fundazioak eskubidea izango du eskaera aurkeztutako datuekin ebatzi edo kasuan kasuko gabezia zuzentzeko hamar eguneko epea emateko, ohartaraziz hala egin ezean eskaera bertan behera utzi dela ulertuko dela, alde zuzenetik horren inguruko ebazpena emanez.

Laguntza eskaera bat izapidetzeko onartzeak ez du esan nahi hura emateko konpromisoa dagoenik.

8.-Erakunde eskatzailearen beste datu batzuk:

Zerga betebeharrak eta Gizarte Segurantzarekikoak betetzearen ziurtagiriak:

- Soldatapeko langilerik ez daukaten erakunde eskatzaileek hauexek aurkeztu beharko dituzte:
 - Zerga betebeharrak egunean dituztela frogatzen duen ziurtagiria.
 - Beren kargura soldatapeko langilerik ez daukaten adierazpena.
- Soldatapeko langileak dauzkaten erakunde eskatzaileek hauexek aurkeztu beharko dituzte:
 - Zerga betebeharrak egunean dituztela frogatzen duen ziurtagiria.
 - Gizarte Segurantzarekiko betebeharrak egunean dituztela frogatzen duen ziurtagiria.

Bosgarrena. - Aurkezteko epea.

Eskaerak aurkezteko epea 2019ko irailaren 2an hasi eta 2019ko irailaren 30ean amaituko da, egun hori barne.

Seigarrena. - Laguntzak emateko irizpideak.

1.- Bigarren klausulak jasotzen dituen eta diruz lagun daitezkeen jarduera guztien laguntzetarako irizpideak haztatzeko eta laguntzok eman ahal izateko irizpide hauek izango dira kontuan, hau da, laguntza xede diren goi mailako talde eta/edo kirolarien kategoria absolutuko datuak baino kontuan hartzen ez dituen irizpide hauek:

a) Lehiaketa maila:

Lortutako postua	Espainiako txapelketak	Europako txapelketak	Munduko txapelketak
Lehenengoa	25	50	100
Bigarrena	20	45	90
Hirugarrena	15	40	80
Laugarrenetik zortzigarreneira	0	35	70
Parte-hartzea	0	30	60

Laguntzak banatzeko puntuazio bidezko banaketa sistema bat aplikatuko da. Horretarako, bigarren kalusulan zehaztutako zenbatekoa erakunde eskatzaile guztiek lortutako puntuen baturaren artean zatituko da. Horren emaitza puntuaren balioa izango da. Zenbatekoa kalkulatzeko, puntuaren balioa eta eskaera bakoitzaren puntu kopurua biderkatu behar dira, baldin eta zenbateko hori eta gainerako diru sarrerak gehitzearen emaitzak jardueraren gastuak gainditzen ez baditu.

Emaitza gisa lortutako kopurua edozein dela ere, honako muga hauek aplikatuko dira:

	Espainiako txapelketak	Europako txapelketak	Munduko txapelketak
Muga	5.000,00 euro	8.000,00 euro	10.000,00 euro

Lortutako arrakastarik handiena baino ez denez balioesten, laguntzak ezin izango dira metatu.

.....

Laguntzak aurkeztutako datuekin aplikatuko dira, 2018ko irailaren 1etik 2019ko abuztuaren 31ra arteko aldiari dagozkionak; ezingo dira ondorengo urteetarako eskatu, aurrekarizat eskatuta.

Laguntzak eskatu dituzten erakunde eskatzaileek aurkeztutako datuak benetakoak direla frogatzeko eskubidea izango du fundazioak. Fundazioak egiaztatzen badu aurkeztutako datuak faltsuak direla, datuok etorkizuneko deialdietatik kanpo geratuko dira, eta, hala badagokio, jasotako kopurua itzuli egin beharko da.

Zazpigarrena. - Eskaerak aztertu eta ebaztea

1.- Eskaerak aurkezteko epea amaitu eta gero aztertu eta ebatziko da dirulaguntza eman ala ez.

2.- Espedientea aztertuta, kide anitzeko organo batek egingo du dirulaguntza proposamena, hau da, Fundazioko Patronatuak hautatutako hiru pertsonak osatutako kide anitzeko organo batek.

Kide anitzeko organoak behin betiko ebazpen proposamena aurkeztuko dio fundazioaren patronatuari.

3.- Behin betiko ebazpen proposamena ikusita, fundazioko patronatuaren presidentziak gehienez sei hilabeteko epean ebatziko du deialdia, ALHAOn argitaratzen denetik zenbatzen hasita. Gehienezko epea igarota esanbidezko ebazpenik ez bada egon, eskaera ezetsi egin dela esan nahiko du.

4.- Dirulaguntza eskaerari baiezkoa eman bazaio, ebazpenean datu hauek agertuko dira: dirulaguntzaren zenbatekoa, ordaintzeko modua, laguntzaren xede den programa edo jarduera, aurkeztu beharreko agiriak eta zer baldintzatan ematen den. Gainera, ebazpena onuradunei jakinaraziko zaie, bat etorri, Administrazio Publikoen Administrazio Prozedura Erkidearen urriaren 1eko 39/2015 Legeak 42. eta 43. artikuluetan xedatutakoarekin.

5.- Ebazpenaren aurka gora jotzeko errekurtoa aurkeztu ahal izango zaio fundazioa atxikita dagoen saileko diputatuari, hilabeteko epean, jakinarazten den egunaren hurrengotik aurrera zenbatzen hasita, bat etorri Administrazio Publikoen Administrazio Prozedura Erkidearen urriaren 1eko 39/2015 Legeak 122. artikuluan xedatutakoarekin. Errekurtsoaren ebazpena emateko eta jakinarazteko epea hiru hilabetekoa izango da gehienez. Epe hori igaro eta ebazpenik eman ez bada, errekurtoa ezetsi dela ulertu behar da.

Errekurtsoaren ebazpenak administrazio bidea amaitzen du. Haren aurka, administrazioarekiko auzi errekurtoa aurkeztu ahal izango da Gasteizko administrazioarekiko auzietarako epaitegietan, Administrazioarekiko Auzien Jurisdikzioa arautzen duen uztailaren 13ko 29/1998 Legeak 8. artikuluan xedatutakoaren arabera. Horretarako, bi hilabete izango dira, ebazpena jakinarazi eta hurrengo egunetik kontatuta.

Zortzigarrena. - Dirulaguntza ordaintzea.

Dirulaguntza ordainketa bakarrean ordainduko da, deialdiaren ebazpena eman ondoren; izan ere, eskaerarekin batera aipatutako justifikazioa aurkeztu da.

.....

Ordainketa ezingo da egin harik eta onuraduna zerga betebeharrak eta Gizarte Segurantzarekikoak betetzean egunean egon arte.

Bederatzigarrena. - Erantzukizunak

Erakunde onuradunek beren gain hartzen dituzte programa eta/edo jarduera egitetik sor litezkeen erantzukizunak, eta indarrean dagoen legediak haren garapenerako eskatzen dituen baimenak eskatu beharko dituzte.

Hamargarrena. - Publizitatea.

1.- Deialdi hau argitara emateko, ALHAOn iragarki bat jarriko da. Horrez gainera, fundazioaren webgunean ere jarriko da: www.kirolaraba.eus

2.- Erakunde onuraduna behartuta dago deialdi honetako laguntza jaso dezaketen jardueri buruzko argibide, publizitate eta propaganda orotan berariaz eta modu argian adieraztera Kirolaraba Fundazioak babesak eman duela; edonola ere, laguntza ekonomikoa ematen zuen ebazpenean zehazten ziren baldintzetan egingo da hori.

Hamaikagarrena. - Interpretazioa.

Deialdi hau interpretatzean sor daitekeen edozein zalantza Kirolaraba fundazioak ebatziko du.